



**ODLUKA O PONIŠENJU POSTUPKA JAVNE NABAVKE
OTVORENI POSTUPAK**

Broj: 05-03/02-14-1065/16

Datum: 10.08.2016.godine

Na osnovu člana 69. stav 3., člana 70. st.1.,4.,6. Zakona o javnim nabavkama („Sl. glasnik BiH“, broj 39/14) i člana 17. Zakona o unutrašnjim poslovima Unsko – sanskog kantona („Službeni glasnik USK“ broj: 1/97, 1/02, 6/02 i 8/02), na preporuku Komisije za nabavke MUP-a USK broj: 05-01/03-14-1065/16 od 09.08.2016.godine u postupku nabavke snajperske puške za potrebe Jedinice policije za podršku MUP-a USK, ministar Ministarstva unutrašnjih poslova Unsko-sanskog kantona **d o n o s i:**

**ODLUKU
o poništenju postupka nabavke**

Član 1.

Poništava se postupak nabavke snajperske puške za potrebe Jedinice policije za podršku MUP-a USK, shodno članu 69.stav 3. Zakona o javnim nabavkama (ugovorni organ može otkazati postupak javne nabavke samo zbog dokazanih razloga koji su izvan kontrole ugovornog organa i koji se nisu mogli predvidjeti u vrijeme pokretanja postupka javne nabavke) iz razloga što su ponuđači u svojim ponudama dostavili identične cijene ponuda.

Član 2.

Za izvršenje ove odluke zadužuje se Sektor za materijalno finansijske poslove i podršku.

Član 3.

Ova odluka objavit će se na web-stranici www.mupusk.gov.ba, istovremeno s upućivanjem ponuđačima koji su učestvovali u postupku javne nabavke, u skladu sa članom 70. stav 6. Zakona o javnim nabavkama.

Član 4.

Ova Odluka stupa na snagu danom donošenja i dostavlja se svim ponuđačima koji su učestvovali u postupku javne nabavke u skladu sa članom 71.stav 2. Zakona o javnim nabavkama.

Obrazloženje

Postupak javne nabavke pokrenut je Odlukom o pokretanju postupka javne nabavke broj: 05-03/02-14-1065/16 od 29.06.2016.godine. Javna nabavka je sprovedena otvorenim postupkom. Procijenjena vrijednost javne nabavke iznosi do 8.500,00.KM bez PDV-a. Obavještenje o nabavci broj: 709-1-1-44-3-23/16 objavljeno je na Portalu javnih nabavki dana 15.07.2016. godine, sažetak obavještenja o nabavci objavljen je u „Službenom glasniku BiH“, broj 53/16 od 22.07.2016. godine na strani 19.

Komisija za nabavke Ministarstva unutrašnjih poslova USK, imenovana je Rješenjem broj: 05-03/01-14-1015/15AB od 20.06.2016.godine.

Komisija za nabavke dostavila je dana 10.08.2016. godine Zapisnik sa otvaranja ponuda od 08.08.2016.godine, Zapisnik o ocjeni ponuda broj: 05-01/03-14-1065/16 od 09.08.2016.godine, Preporuku o otkazivanju postupka javne nabavke broj: 05-01/03-14-1065/16 od 09.08.2016.godine .

U Zapisniku sa otvaranja ponuda je utvrđeno da je Komisija za javnu nabavku blagovremeno i pravilno izvršila otvaranje ponuda i ocjenu prispjelih ponuda, o čemu je sačinila odgovarajuće zapisnike, u kojima je utvrđeno sljedeće:

- da je ukupan broj pristiglih ponuda 2;
- da su blagovremeno zaprimljene 2 ponuda;
- da su neblagovremeno zaprimljene 0 ponuda;
- da su prihvatljive 0 ponuda,
- da je bilo 2 neprihvatljive ponude

Nadalje, u postupku ocjene provedenog postupka, ministar Ministarstva unutrašnjih poslova nije našao razloge, nepravilnosti niti propuste u radu koji bi eventualno bili osnov za neprihvatanje preporuke Komisije za nabavku.

U postupku je utvrđeno da je Komisija u svemu pravilno postupila te da je preporuka o poništenju postupka nabavke data u skladu sa Zakonom o javnim nabavkama, podzakonskim i internim aktima i tenderskim dokumentom. Naime, u postupku predmetne nabavke nesumnjivo je utvrđeno da su oba ponuđača ponudili identične cijene predmeta javne nabavke, te u skladu sa kriterijem „najniža cijena“, Komisija nije u mogućnosti izabrati najpovoljnijeg ponuđača.

Iz navedenih razloga, primjenom člana 69. stav 3. Zakona o javnim nabavkama, odlučeno je kao u članu 1. ove odluke.

POUKA O PRAVNOM LIJEKU

Protiv ove odluke može se izjaviti žalba Ugovornom organu MUP USK-a, najkasnije u roku od 10 (deset) dana od dana prijema ove odluke.

Prilog: Zapisnik o ocjeni ponuda broj: 05-01/03-14-1065/16 od 09.08.2016.g.

Dostaviti:

- Ponuđaču: „**KM TRADE**“ d.o.o. Visoko, Čaršijska bb., 71300 Visoko
- Ponuđaču: „**Koteks**“ d.o.o. Tešanj, Bukva bb., 74260 Tešanj
- Komisiji za nabavke
- Sektor za mat.fin.poslove i podršku
- a/a

Ministar

Ervin Bibanović